

EGINHARTVS CAROLI MAGNI CANCELLARIUS



Eginhartus ob plurimas uirtutes, raram prudētiam, & insignem eruditionem potētissimi Imperatoris Caroli magni Cancellarius factus est. Itaque ad res maximas gerendas Carolo uiam mōstrauit, atq; consiliorum eius rector existens, philosophiæ studia, & liberales artes ubiq; cum sacris literis doceri mandauit. Hūc Carolus hinc inde ad potentissimos prīncipes misit, ut de rebus arduis cum ijs ageret. Nam negotia omnia ea fide & dexteritate peragebat, ut nihil in eo desiderari posset. Vnde etiam apud omnes magnæ autoritatis extitit. Cum autem annis & laboribus exhaustus deficere cœpisset, ordinem S. Benedicti ingressus est, non ut otio torperet, sed ut bonis literis uacare, & Deo inseruire posset. Antea quidem plures literas, tam ex sua quam Imperatoris persona ad diuersos scripsipserat, nunc autem Carolo mortuo ipsius uitam, & superiorum temporum Historiam composuit. Claruit circa annum Domini octingentesimum uicesimum.

Thritem.